

摘藻堂四庫全書薈要

集部

欽定四庫全書薈要卷一萬九千四十八

集部

御定佩文齋詠物詩選卷四百二十六

雁類

五言古

歸鴻

宋顏延之

昧旦濡和風
霑露踐朝暉
萬有皆同春
鴻雁獨辭歸
相鳴去澗汜
長引發江畿
皎潔登雲侶
連綿千里飛
長懷河朔路
緬與湘漢違

詠湖中雁

梁沈約

白水滿春塘，旅雁每迴翔。
唼流牽弱藻，斂翮帶餘霜。
羣浮動輕浪，單汎逐孤光。
懸飛竟不下，亂起未成行。
刷羽同搖漾，一舉還故鄉。

賦得始歸雁

梁劉孝綽

洞庭春水綠，衡陽旅雁歸。
差池高復下，欲向龍門飛。

賦得集池雁

北周庾信

逢風時迴度，逐侶乍爭飛。
猶憶方塘水，今秋已復歸。

詠雁

庾信

南思洞庭水北想雁門關
稻梁俱可戀飛去復飛還

詠雁

北周 王褒

伺潮聞曙響妬壘有春暈
豈若雲中雁秋時塞外歸
河長猶可涉海闊故難飛
霜多聲轉急風疎行屢稀
園池若可至不復怯虞機

二弟宰邑南海見羣雁南飛因成詠以寄

唐 張九齡

鴻雁自北來嗷嗷度煙景嘗懷稻梁惠豈憚江山永大
小每相從羽毛當自整雙鳬侶晨汎獨鶴參宵警為我
更南飛因書至梅嶺

白雁

唐
李建勲

東谿一白雁毛羽何皎潔薄暮浴清波斜陽共明滅差
池失羣久幽獨依人切旅食賴菰蒲單棲怯霜雪邊風
昨夜起顧影空哀咽不及牆上烏相將繞雙闕

賦秋鴻送劉衡州

宋
梅堯臣

秋鴻整羽翮去就自因時往春南方來遂止天泉池天
泉水清泚鴛鴦日追隨蒲藻豈不樂江湖信所宜今朝
風色便暫向衡陽歸洞庭逢葉下瀟湘先客飛渚有蘭
杜美心無稻粱卑矰繳勿爾念鷹隼寧爾窺煙波千萬
里足以資盤嬉峯前想回日青冥生路岐

高郵陳直躬處士畫雁

宋蘇軾

野雁見人時未起意先改君從何處看得此無人態無
乃槁木形人禽兩自在北風振枯葦微雪落璀璨慘淡

雲水昏晶熒沙礫碎弋人悵何慕一舉眇江海

其二

衆禽事紛爭野雁獨閒潔徐行意自得俛仰若有節我
衰寄江湖老伴雜鷺鴨作書問陳子曉景畫蒼雪依依
聚圓沙稍稍動斜月先鳴勤鼓翅吹亂蘆花雪

九月三日宿胥口始聞雁

宋范成大

故人久不見乍見雜悲喜新雁如故人一聲驚我起把
酒不能觴送目問行李曾云行路難空濛千萬里塞北

多關山江南渺雲水風高吹汝瘦旅伴今餘幾斜行不
少駐減沒蒼煙裏羈遊吾亦倦客程殊未已扁舟費年
華短纜繫沙尾物性各有役冥心聽行止江郊匝地熟
塲圃平如砥歸期且勿念共飽豐年米

賦得春雁送張郎中省覲揚州

元
揭傒斯

東風吹歸雁離離翔天側朝發衡陽浦夕過陰山磧嘹
唳浮雲中萬里才一息眷言思親者相望有南北

羣雁圖

元 傅若金

微茫洞庭野隱約瀟湘岸鴻雁將棲息飛鳴求其伴先
集良未安後至淒欲斷使我懷弟兄因之中腸亂留連
江海遠慘淡秋暉晏常恐隨天風高飛入雲漢

平沙落雁

明 楊基

江橫秋煙白日落寒沙淺鴻雁萬里來翩翩下平遠欲
墮更低飛斜行兩三轉

平沙落雁

明 薛瑄

霜清秋水落風過人跡平
飛飛隨陽鳥相呼下寒汀
向夕聚儔侶月暎蘆花明

七言古

附長短句

鳴雁行

唐李白

秋雁鳴辭燕山昨發委羽朝度關
一一銜蘆枝南飛散落天地間
連行接翼往復還客居煙波寄湘吳
凌霜觸雪毛體枯畏逢矰繳驚相呼
聞弦虛墜良可吁君更彈射何為乎

鴻雁

宋曾鞏

江南岸邊江水平
水荇青青渚蒲綠
鴻雁此時儔侶多
亂下沙汀恣棲宿
羣依青荇唼且鳴
暖浴蒲根戲相逐
長無矰繳意自閒
不飽稻粱心亦足
性殊凡鳥自知時
飛不亂行聊漸陸
豈同白鷺空潔白
俛啄腥汙期滿腹
汪履道家觀所蓄
煙雨蘆鴻圖

宋僧惠洪

西湖漠漠生煙雨
浦浦圓沙鳬雁聚
今日高堂素壁間

忽見西湖最西浦
翩翩兩雁方欲下
數隻飄然掠波去
獨餘一隻方穩眠
有夢不成亦驚顧
蕭梢碧蘆秋葉赤
青沙白石紛無數
我本江湖不繫舟
爾輩况亦江湖侶
令人便欲尋春郎
呼船深入龍山塢

鴻雁篇

元陳基

鴻雁雙雙度雁門
相呼相喚不離羣
畫銜蘆花防矰繳
夜宿關河同夢魂
稻梁既足江南闊
秋水增波葉微脫
洞庭湖畔卧雲沙
彭蠡頭弄煙月
一朝無事忽相違

一向東飛一向西
西飛渺渺秦山曲
東去悠悠滄海湄
秦山滄海遙相望
顧影徘徊各惆悵
山有腥鼉與網羅
水有蛟鼉與風浪
回頭却恨不同棲
辛苦皆因獨自飛
不問天南與天北
何時相見得同歸

五言律

同張二詠雁

唐駱賓王

唼藻滄江遠
銜蘆紫塞長
霧深迷曉景
風急斷秋行
陣照通宵月
書封幾夜霜
無復能鳴分
空知愧稻粱

秋雁

駱賓王

聯翩辭海曲搖曳指江干陣去金河冷書歸玉塞寒帶
月凌空易迷煙逗浦難何當同顧影刷羽泛清瀾

雁

唐李嶠

春暉滿朔方候雁發衡陽望月驚弦影排雲結陣行往
還倦南北朝夕苦風霜寄語能鳴侶相隨入帝鄉

歸雁

唐杜甫

萬里衡陽雁今年又北歸雙雙瞻客上一一背人飛雲

裏相呼疾沙邊自宿稀繫書無浪語愁寂故山薇

孤雁

杜甫

孤雁不飲啄飛鳴聲念羣誰憐一片影相失萬重雲望
盡似猶見哀多如更聞野鴉無意緒鳴噪自紛紛

見上林春雁翔青雲寄楊起居李員外

唐
錢起

上林春更好賓雁不知歸顧影憐青蘂傳聲入紫微夜
陪池鷺宿朝出苑花飛寧憶寒鄉侶鸞凰一見稀

送征鴻

錢起

秋空萬里淨嘹唳獨南征風急翻霜冷雲開見月驚塞
長憐去翼影滅有餘聲悵望遙天外鄉愁滿目生

賦得沙上雁

唐耿漳

衡陽多道里弱羽復哀音還塞知何日驚弦亂此心夜
陰前侶遠秋冷後湖深獨立汀洲意寧知霜霰侵

夜聞回雁

唐司空曙

雁響天邊過高高望不分颼颼傳細雨嘹唳隔長雲散

向誰家盡歸來幾客聞還將今夜意西海話蘇君

泊雁

迴文

唐戴叔倫

泊雁鳴深渚收霞落晚川
柝隨風斂陣樓映月低弦
漠漠汀帆轉幽幽岸火燃
壑危通細路溝曲繞平田

早雁

唐顧非熊

逐暖來南國迎寒背朔雲
下時波勢出起處陣形分
聲急奔前侶行低續後羣
何人寄書札絕域可知聞

早鴻

唐李羣玉

木落波浪動南飛聞夜鴻參差天漢霧嘹唳月明風野
水蓮莖折寒泥稻穗空無令一行侶相失五湖中

歸雁

唐
孟 貫

春至衡陽雁思歸塞路長汀洲齊奮翼霄漢共成行雪
盡翻風暖寒收度月涼直應到秋日依舊返瀟湘

孤雁

唐
崔 塗

湘浦離應晚邊城去已孤如何萬里計只在一枝蘆迥
起波搖楚寒棲月暎蒲不知天畔侶何處下平蕪

其二

幾行歸塞盡，念爾獨何之。
暮雨相呼失，寒塘欲下遲。
渚雲低暗度，闕月冷遙隨。
未必逢矰繳，孤飛自可疑。

孤雁

唐 儲嗣宗

孤雁暮飛急，蕭蕭天地秋。
關河正黃葉，消息斷青樓。
湘渚煙波遠，驪山風雨愁。
此時萬里道，魂夢繞滄洲。

侍宴賦得歸雁

宋 徐鉉

夜靜羣動息，翩翩一雁歸。
清音天際遠，寒影月中微。
何

處雲同宿長空雪共飛陽和常借便免與素心違

聞雁寄歐陽夷陵

宋梅堯臣

閒坐獨無寐雁來更未闌聲長河漢迴影落戶庭寒荆
楚橘包熟瀟湘楓葉丹南飛過三峽試問故人看

聞雁

元虞集

樓近暖雲濕夜深聞雁低聲音燈外盡羽翮月邊迷冉
冉白榆上悠悠黃竹西應逢穆王駿春草一長嘶

雁聲

元張翥

嘹嘹數雁度流響一淒然半落淮南雨遙沈海上天疎
砧欲斷處哀角未吹前我亦離羣者聞之夜不眠

孤雁

元黃庚

長空獨嘹唳隱約背斜暉塞北離羣遠江南失侶歸度
雲憐隻影照水認雙飛却羨投林鳥相呼入翠微

聞雁

明曹嘉

連翩升紫塞嘹唳過秋城帛染傳書淚砧催搗練聲雲
深飛總近風細落還輕此夜高樓笛懷人幾度橫

鹽河聞雁

明
蘇澹

客子起常早月明殊可親一聲沙背雁匹馬渡頭人顧
侶鳴偏切悲秋興轉直蘭閨夢迴處應憶客邊身

聞雁

明
宗臣

一枕何能得長愁至不禁魚龍殘夜笛風雨急秋砧天
入蕭森氣人兼去住心湖南有新雁作意送悲音

雨夜聞雁

明
居節

釭斜寒照竹山靜雨圍牀雁到秋如許人愁夜未央江

天將隻影霜信過重陽小夢知何處三湘煙水長

雁至

明雷思霈

去燕新辭主來鴻舊作賓江空今夜月家遠隔年身結
伴多依水將書只寫人如何白翎雀歲歲北山春

白雁

明曹學佺

波靜影逾白霜清鳴更催乾坤雙鬢老風雪一聲來林
迴隱猶見天長去復回物情嫌太潔莫使羽毛摧

聞雁

明僧德祥

八月涼風起高飛亂入雲度關成一序遵渚動千羣
菰米沈寒雨蘆花散夕曛一聲江上過獨客最先聞

雒城聞雁

明
項蘭貞

明月照蒼苔橫空一雁來影翻飛葉墮聲帶晚風迴
塞北征人思閨中少婦哀江南別業在叢桂幾枝開

聞雁

明
鄭夢周
朝鮮人

行旅忽聞雁仰看天宇清數聲和月落一點入雲橫
錦字回燕塞新愁滿洛城疎燈孤館夜何限故園情

五言排律

飛鴻響遠音

唐
李體仁

漠漠微霜夕，翩翩出渚鴻。
清聲流迥野，高韻入寥空。
舊質經寒塞，殘音響遠風。
縈雲猶類網，避月尚疑弓。
弱羽雖能振，丹霄竟未通。
欲知多怨思，聽取暮煙中。

河南府試秋夕聞新雁

唐
黃滔

湘南飛去日，薊北乍驚秋。
叫出隴雲夜，聞為客子愁。
一聲初觸夢，半白已侵頭。
旅館移歌枕，江城起倚樓。
餘燈

依古壁片月下滄洲
寂聽良宵徹
躊躇感歲流

歸雁

宋 范仲淹

稻梁留不得 一起江天帶雪南
離楚和春北 入燕依
依前伴侶 歷歷舊山川
木葉程猶遠 梅花信可傳
子規啼到曉 鸚鵡鎖經年
應羨冥冥者 東風羽翼全

七言律

旅館聞雁別友人

唐 趙嘏

路遶秋塘首獨搔
背羣燕雁正呼號
故關何處重相失

碧落有雲終自高
旅宿去緘他日恨
單飛誰訝此生勞
行衣濕盡千山雪
腸斷金籠好羽毛

歸雁

唐
陸龜蒙

北走南征類我曹
天涯迢遞翼應勞
似悲邊雪音猶苦
初背嶽雲行未高
月島聚棲防暗繳
風灘斜起避驚濤
時人不問隨陽意
空拾闌邊翡翠毛

雁

唐
鄭谷

八月涼風九月霜
蓼花紅澹葦條黃
石頭城下波搖影

星子灣西雲間行驚散漁家吹短笛失羣征戍鎖殘陽
故鄉聞爾亦惆悵何況扁舟非故鄉

新雁

唐
吳融

湘浦春波始北歸玉關搖落又南飛數聲飄去和秋色
一字橫來背晚暉紫閣高翻雲幕幕灞川低度雨微微
莫從思婦臺邊過未得征人萬里衣

鴻

唐
徐夔

行如兄弟影連空春去秋來燕不同紫塞別當寒露白

碧山飛入暮霞紅
宣王德美周詩內
蘇武書傳漢苑中
況解銜蘆避弓箭
一聲歸唳楚天風

雁

唐
黃滔

楚岸花晴塞柳衰
年年南北去來期
江城日暮見飛處
旅館月明聞過時
萬里風霜休更恨
滿川煙草且須疑
洞庭雲水瀟湘雨
好把寒更一一知

賓雁

宋
韓琦

候時賓雁覺秋分
便委寒霜遡楚氛
一片畫屏橫遠岫

幾行書字貼輕雲
信通離閣誠虛語
聲到英雄似不聞
莫趁衡陽戀閒暖
南兒矰繳正紛紛

和孫侔雁蕩

宋梅堯臣

雁蕩高高路莫通
銜蘆秋葉入雲峯
山頭水閣不見影
巖下沙平時有蹤
千仞柱天何斂閃
萬工揮筆漫輕濃
葛巾蠟屐未能著
空羨青蒼重復重

詠雁

元曹伯啟

塞色波光秋影涵
數行天字到江南
銜蘆有為防矰繳

擇地無心入瘴嵐
寒暑相催猶可避
稻梁雖好不宜貪
哀鳴欲動何人意
獵騎彎弧酒正酣

賦飛鴻送胡則大

元楊載

年年客裏見飛鴻
成陣成行上碧空
杳杳江湖尋故侶
蕭蕭蘆葦下新叢
翱翔已出雲霄上
飲啄寧來沼沚中
今日似君歸去好
扁舟一夜起東風

雁賓

元謝宗可

地北天南萬里身
驚寒昨夜過邊塵
暫隨沙漠秋來夢

留得湘江社後春
水宿雲飛同是客
風嘹月唳自相親
荒汀斷渚年年路
應認蘆花作主人

雁字

謝宗可

蘆花月底寄秋情
陣影南飛勢不停
一畫寫開湘水碧
半行草破楚天青
雲牋冷印蟲書迹
煙墨濃摹鳥篆形
題盡子卿心事苦
斷文無數落寒汀

白雁

謝宗可

翅老西風絕點瑕
秋江難認宿蘆花
雲邊字缺銀鈎斷

月下箏閒玉柱斜影亂飛鷗回遠浦陣迷宿鷺落平沙
聲聲叫起蘇郎恨為帶吳霜染鬢華

清谿落雁

元曹文晦

清谿谿口荻花秋底事年年伴白鷗北去不辭書帛寄
南來非為稻梁謀荒煙渺渺長橋外落葉蕭蕭古渡頭
見說洞庭風月好碧波千頃少漁舟

白雁

明徐舫

出塞風沙不浣衣要分秋色占鷗磯遠書玉宇傳霜信

斜落銀箏映冷暉
楚澤雲昏無片影
湘江月黑見孤飛
當年繫帛還蘇武
漢節仍全皓首歸

白雁

明 顧文昱

萬里西風吹羽儀
獨傳霜翰向南飛
蘆花映月迷清影
江水涵秋點素輝
錦瑟夜調冰作柱
玉闕曉度雪沾衣
天涯兄弟離羣久
皓首江湖猶未歸

孤雁

明 瞿佑

失伴離羣不憚勞
此心終不在蓬蒿
百年海內皆兄弟

萬里雲間一羽毛
夜月相隨形影在
秋風獨立性情高
鵝行鷺序休相笑
朋黨何須似爾曹

歸雁

明沈恒

冥鴻不覺又逢春
遠別湘南北向秦
雲接斷行天漠漠
江涵歸影水粼粼
關山叫落三更月
旅館愁驚萬里人
莫怪東風吹去翮
清秋蘆渚又來賓

旅中聞雁

明駱文盛

西風鴻雁惜離羣
露下天高彷彿聞
方訝北來衝遠塞

忽驚南去入寒雲
千山落葉還秋杪
一卷殘書且夜分
無那餘音更嘹唳
倚樓鄉思益紛紛

雁字

明
朱之蕃

長空清迥淨秋雲
杖倚斜陽數雁羣
吹隔狂飈存斷簡
翔依沙渚見迴紋
霞江點綴摩崖碣
蘆岸聯翩白練裙
衡嶽峯高歸羽急
疑探二酉發竒文

雁

朱之蕃

郊原曠望入秋深
序列南翔見候禽
墮影高空隨落木

蜚聲午夜雜寒砧
湘江霜月連玄塞
北海音書到上林
矰繳未須勞弋慕
平沙遠水寄閒心

詠雁字

明唐時升

蒹葭白露早紛紛
上下參差意象分
朔漠南來應累譯
衡陽北望盡同文
方思坐卧觀三日
又見紆迴作五雲
一一總成龍鳳質
可教容易換鴛羣

其二

一夜風霜過洞庭
莫徭惆悵羨冥冥
蘆洲掩映成飛白

竹塢迴翔欲殺青
右轉正如秦代璽
橫行疑寫梵王經
君歸直向燕然去
且為皇家好勒銘

其三

翩翩六翮破寒煙
初月纖纖列宿連
雨後模糊濃淡墨
風前斷續短長篇
綵霞淨拭紅絲硯
銀漢平鋪白地牋
自罷結繩書契起
憐君長在網羅邊

其四

黃昏風雨黯東西
何事皇皇不肯棲
共指漂鷺無泊鳳

難分野鷺與家雞影過平嶂如書壁聲落前汀似印泥
誰把文章移北斗君家兄弟羽毛齊

其五

漠北湖南萬里通年年為客任長風飲時渴驥奔泉上
棲處驚蛇入草中空裏作書皆咄咄日來多暇不匆匆
張芝自有凌雲意莫比藏真老禿翁

其六

遠拂殘霞攪斷雲始知筆陣掃千軍元常法備皆三折

阿買詩成寫八分
賦客近為離合體
經生能辨古今文
危峯阻日君須記
隴首羣飛背夕曛

是夕聞雁

明王鏊

蕭蕭落木黑波生
燭暗杯空三四聲
蘆作綠花枝尚脆
菰垂白露米先傾
我來賓至飛迴處
君向人歸厭歷程
燕子輕身真自喜
不堪此際有逢迎

五言絕句

賦得早雁出雲鳴

唐太宗

初秋玉露清早雁出空鳴隔雲時亂影因風乍合聲

南中詠雁

唐
韋承慶

萬里人南去三春雁北飛不知何歲月得與爾同歸

秋雁

唐
褚亮

日暮霜風急羽翮轉難任為有傳書意翩翩入上林

聞雁

唐
韋應物

故園渺何處歸思方悠哉淮南秋雨夜高齋聞雁來

水宿聞雁

唐
李益

早雁忽為雙驚秋風水窗夜長人自起星月滿空江

雁

唐
陸龜蒙

南北路何長中間萬弋張不知煙霧裏幾隻到衡陽

雁

宋
陳師道

來往違寒暑飛鳴在稻梁未知溟海大不肯過衡陽

秋雁圖

元
楊維禎

野水江湖遠秋風蘆葉黃南飛舊兄弟一一自成行

聞雁憶弟子培

明
宗臣

秋雨千峯散寒雲萬里開不知天際雁幾日故園來

聞雁

明僧道衍

鳴雁為離羣餘哀度水雲那知故鄉夜亦似客中聞

六言絕句

惠崇蘆雁

宋蘇軾

惠崇煙雨蘆雁坐我瀟湘洞庭欲買扁舟歸去故人云
是丹青

題王子慶所藏大年墨雁

元趙孟頫

鴻雁棲棲遵渚黃蘆索索鳴秋羨殺承平公子筆端萬
里滄洲

七言絕句

官池春雁

唐
杜甫

自古稻粱多不足至今鴈鶩亂為羣且休悵望看春水
更恐歸飛隔暮雲

其二

青春欲盡急還鄉紫塞寧論尚有霜翅在雲天終不遠

力微矰繳絕須防

歸雁

唐錢起

瀟湘何事等閒回
水碧沙明兩岸苔
二十五絃彈夜月
不勝清怨却飛來

雁

唐薛能

肅肅雍雍義有餘
九天鸞鳳莫相疎
惟應靜向山窗過
激發英雄夜讀書

夜泊詠樓鴻

唐陸龜蒙

可憐霜月暫相依
莫向衡陽趁隊飛
同是江天寒夜客
羽毛單薄稻梁微

新雁

唐
杜荀鶴

暮天新雁起汀洲
紅蓼花疎水國秋
想得故園今夜月
幾人相憶在江樓

聞雁

唐
林寬

接影橫空背雪飛
聲聲寒出玉關遲
上陽宮裏三千夢
月冷風清聞過時

小雁蕩

宋 王十朋

歸雁行飛集澗阿不貪江海稻梁多峯頭一蕩雖然小
飲啄猶堪避網羅

聞雁

宋 陸游

過盡江南把酒稀熏籠香冷換春衣秦關漢苑無消息
又在江南送雁歸

聞新雁有感

陸游

新雁南來片影孤冷雲深處宿菰蘆不知湘水巴陵路

曾記漁陽上谷無

春半聞歸雁

宋楊萬里

春光深淺没人知
我正南歸雁北歸
頭上一聲如話別
一生長是背人飛

題趙大年蘆雁

元戴表元

寒更索索警霜叢
兄弟當年意自同
猶是江湖太平處
未妨沈著卧秋風

見雁有懷

元黃庚

滿眼西風憶故廬
親朋音問久相疎
年年江上無情雁
只帶秋來不帶書

四雁圖

元
任士林

江北江南秋正驕
孤飛萬里氣方豪
平生慣有冰霜翼
却笑東風燕雀高

沙雁

元
楊載

漠漠寒煙樹影微
一行沙雁背人飛
江南江北秋將盡
客子如今猶未歸

題王元善赴北清江新雁圖

元黃鎮成

江南春水拍天齊，鴻雁成行向北飛。
未必雲山便相隔，秋風還帶夕陽歸。

題墨雁

元楊維禎

黃沙衰草羽毵毵，八月天山冷不堪。
昨夜朔風吹過影，盡將秋色到天南。

聞雁

元丁鶴年

月落江城轉四更，旅魂和夢到灤京。
醒來獨背寒燈坐。

風送長空雁幾聲

自題蘆洲聚雁圖

明朱芾

夜窗聽雨話巴山又入瀟湘水竹間滿渚冥鴻誰得似
碧天飛去又飛還

蘆雁

明王澤

拍天煙水接瀟湘蘆葦秋風葉葉涼何處漁郎夜吹笛
雁羣驚起不成行

九月十七日門雁寄董莊

明徐賁

晚意秋陰雨不分
渚蘆沙竹護寒雲
雁聲客裏誰先聽
愁絕惟應我共君

題蘆雁圖

明 胡奎

草草書空不作行
相呼相喚過衡陽
蘆花月冷應無夢
啄盡寒沙一夜霜

早雁

明 高棟

涼霜八月塞天寒
飛度衡陽楚水寬
少婦樓頭初掩瑟
一行先向夕陽看

題雁

明王綬

聯翩飛處影橫斜
暝色和烟暗荻花
遠水微茫秋萬頃
不妨隨意落平沙

宿雁圖

明張泰

理卷霜毛宿晚汀
旅魂應自繞秋冥
西風莫攪葦葭水
月苦沙寒易得醒

月夜下桐江聞孤雁

明王叔承

煙月滿江漁火寒
一聲孤雁下蘆灘
隔天總有家書到

水碧山青不耐看

清江聞聞雁

明李瑋

數聲江潄三更雁孤影
霜天萬里身新冷
猶知先避雪
南來應笑北行人

二月聞雁

明孫承宗

九月邊庭無雁來
關門不逐雁門開
春來塞上希繒繖
花信風前一一回

其二

孤鴻幾日過長安
拖得春旗露未乾
應說邊庭花信早
征衣初擬褪春寒

題一雁圖

明僧德祥

萬里江湖一葉身
來時逢雪又逢春
天南地北年年客
只有蘆花似故人

御定佩文齋詠物詩選卷四百二十六



總校官庶吉士臣侍朝

校對官檢討臣王坦修

謄錄監生臣梅德

謄錄監生臣張同翼

欽定四庫全書薈要

集部

御定詠物詩選卷四百

二十七至
三十五

欽定四庫全書薈要卷一萬九千四十九

集部

御定佩文齋詠物詩選卷四百二十七

鷹類

附隼

海青

五言古

楊監又出畫鷹十二扇

唐
杜甫

近時馮紹正能畫鷲鳥樣明公出此圖
母乃傳其狀殊姿各獨立清絕心有向
疾禁千里馬氣敵萬人將憶昔驪山宮
冬移含元仗天寒大羽獵此物神俱王
當時無



凡材百中皆用壯粉墨形似間識者一惆悵干戈少暇
日真骨老崖嶂為君除狡兔會是翻韉上

養鷹詞

唐
劉禹錫

養鷹非翫形所資擊鮮力少年昧其理日月哺不息探
雛網黃口旦暮有餘食寧知下韉時翅重飛不得韉
上林表使兔自南北飲啄既已盈安能勞羽翼

七言古 附長短句

觀放白鷹

唐
李白

寒冬十二月蒼鷹八九毛寄言燕雀莫相啁自有雲霄
萬里高

姜楚公畫角鷹歌

唐
杜甫

楚公畫鷹鷹戴角殺氣森森到幽朔觀者貪愁掣臂飛
畫師不是無心學此鷹寫真在左綿却嗟真骨遂虛傳
梁間燕雀休驚怕亦未搏空上九天

籠鷹詞

唐
柳宗元

淒風浙瀝飛嚴霜蒼鷹上擊翻曙光雲披霧裂虹霓斷

霹靂掣電捎平岡
砉然勁翮剪荆棘
下攫狐兔騰蒼茫
爪毛吻血百鳥逝
獨立四顧時激昂
炎風溽暑忽然至
羽翼脫落自摧藏
草中狸鼠足為患
一夕十顧驚且傷
但願清商復為假
拔去萬累雲間翔

觀劉永年畫角鷹

宋黃庭堅

劉侯才勇世無敵
愛畫工夫亦成癖
弄筆掃成蒼角鷹
殺氣稜稜動秋色
爪拳金鉤觜屈鐵
萬里風雲藏勁翮
兀立槎枒不畏人
眼看青冥有餘力
霜飛晴空塞草白

雲垂四野陰山黑此時軒然盍飛去何乃巒岼立西壁
祇應真骨下人世不謂雄姿留粉墨造次更無高鳥喧
等閒亦恐狐狸嚇旁觀未必窮神妙乃是天機貫胸臆
瞻相突兀摩空材想見其人英武格傳聞揮毫頗容易
持以與人無甚惜物逢真賞世所珍此畫他年恐難得

野鷹來

金
蔡珪

南山有奇鷹實穴千仞山網羅雖欲施藤石不可攀鷹
朝飛聳肩下視平蕪低健狐躍兔藏何遲鷹暮來腹肉

一飽精神開招呼不上劉表臺錦衣年少漫留意俯仰
不能隨爾輩

題劉履初所藏莫慶善畫鷹

元郭鈺

目光懸秋雙翮齊欲飛不飛愁雲低足無條鉞腹無食
空林尚恐難安棲筆力精到天機微莫生所畫詩我題
君不見天下太平角端語狐兔草間何足數

題畫鷹送羅緝熙南歸

明李東陽

大鷹猙獰爪決石側目高堂睨秋碧小鷹屈伏俯且窺

威而不揚豈其雌雌雄起伏各異態意氣相看出塵壒
獨立羞將衆羽羣高飛怕有浮雲礙山寒木落天始風
日色慘澹川原空人間狐兔自有地慎勿反擊傷鵷鴻
畫圖彷彿是誰作宛似懸鞬臂間落高堂匹練長風生
萬里炎荒盡幽朔我生奇氣空嶙峋揮毫對此不無神
送渠羽翼朝天去亦是雲霄得意人

題魯京尹所藏雙鷹圖

李東陽

霜風撼撼空林響朔氣隨空入蕭爽兩鷹意氣殊絕羣

俯視平川如一掌玄雲著樹疑不飛野日照地寒無輝
搜身欲下不肯下似覺深山孤兔稀丹青落手翻欲活
韝上驚看錦條脫江湖浩蕩煙水深萬里陽臺渺天末
時維八月炎暑空兩鷹角立如爭雄周旋九紘隘八極
此意豈在風塵中知公有才非搏擊我意亦欲辭樊籠
祇應共逐鵷鸞去去上丹山十二重

畫鷹

明徐渭

閩南縞練光浮膩傳真誰寫蒼厓鷺生相由來不附人

綠韞空著將軍臂八月九月原草稀百鳥高高兔走肥
煙中斂翼遠不下節短暗合孫吳機此時一中貴快意
深林燕雀何須避惟將搏擊應涼風誰貪飽嚮矜山雉
昨見少年向南市買鷹欲放平原轡凡材側目飽人餒
不似畫中有神氣夜來鷗梟作精魅安得放此向人世
秋風一試刀稜翅

海東青行

明僧梵琦

海東青高麗獻之天子庭萬人却立不敢睨玉爪金眸

鐵作翎心在寒空韉在手一生自獵知無偶孤飛直出
大鵬前猛志豈落鴛鴦後是日霜風何栗冽長陽樹羽
看騰瞥奔雲突霧入紫霄狡兔妖蜚灑丹血束身歸來
如木雞衆鵠欲並功難齊爾輩無材空碌碌不應但費
官厨肉

五言律

進秋隼

唐耿漳

豈悟因羅者迎霜獻紫微夕陽分素臆秋色上花衣舉

翅雲天近回眸燕雀稀應隨明主意百中有光輝

和舍弟讓詠籠中鷹

唐
呂溫

未用且求安無猜也不殘九天飛勢在六月目睛寒動
觸樊籠倦間消肉食難主人憎惡鳥試待一呼看

失白鷹

唐
鄭繇

白錦文章亂丹霄羽翮齊雲中呼暫下雪裏放還迷梁
苑驚池鷺陳倉拂野雞不知寥廓外何處獨依棲

五言排律

霜隼下晴臯

唐
闕名

九臯霜氣勁翔隼下初晴風動閒雲卷星馳白草平稜
稜方厲疾肅肅自縱橫掠地秋毫迴投身逸翮輕高墉
全失影逐雀乍飛聲薄暮寒郊外悠悠萬里情

七言律

見王監兵馬使說近山有白黑二鷹羅者久取
竟未能得王以為毛骨有異他鷹恐臘後春
生鶩飛避暖勁翮思秋之甚眇不可見請余

賦詩

唐杜甫

雲飛玉立盡清秋，不惜奇毛恣遠遊。
在野只教心力破，于人何事網羅求。
一生自獵知無敵，百中爭能恥下韉。
鵬礙九天須却避，兔經三窟莫深憂。

其二

黑鷹不省人間有，度海疑從北極來。
正翮搏風超紫塞，玄冬幾夜宿陽臺。
虞羅自各虛施巧，春雁同歸必見猜。
萬里寒空祇一日，金眸玉爪不凡材。

白海青

元 袁易

渺渺東溟刷羽翰乍隨天馬萬人觀孤飛雪點青雲破
一擊秋生玉宇寬賜予豈將追雁鵞驅除直欲辨梟鸞
江南明月難同色夢想瑤階白露漙

五言絕句

畫鷹

元 馬祖常

側視窺霄漢低飛近草萊金鞵時一脫肉飽更須回

題畫鷹

元 李祁

勁翮排霜戟天寒氣轉驕草間狐兔盡側目望青霄

七言絕句

新羅進白鷹

唐竇鞏

御馬新騎禁苑秋白鷹來自海東頭漢皇無事須遊獵
雪亂爭飛錦臂鞲

宮詞

唐王建

內鷹籠脫解紅條鬪勝爭飛出手高直上碧雲還却下
一雙金爪掬花毛

飢鷹詞

唐章孝標

遙想平原兔正肥
千回礪吻振毛衣
縱令啄解絲條結
未得人呼不敢飛

觀獵

唐薛逢

馬縮寒毛鷹落膽
角弓初暖箭新調
平原踏盡無禽出
竟日翻身望碧霄

詠架上鷹

唐崔鉉

天邊心膽架頭身
欲擬飛騰未有因
萬里碧霄終一去

不知誰是解條人

鷹

唐高越

雪爪星眸世所稀
摩天專待振毛衣
虞人莫漫張羅網
未肯平原淺草飛

丁卯上京

元馬祖常

海國名鷹豈鶻胎
渥洼天馬是龍媒
明時不惜黃金賜
只欲番王萬里來

宮詞

明朱有燬

三山冰合放鷹時
千騎如雲授指揮
日暮六街塵滾滾
馬前橫抱白鷺歸

元宮詞

朱有燬

雨順風調四海寧
丹墀大樂列優伶
年年正旦將朝會
殿內先觀玉海青

其二

秋深飛放出郊行
選得馴駒內裏乘
野雉滿鞍如綴錦
馬前珍重是黃鷹

擬古宮詞

明 徐禎卿

君王無事日臨戎
韎韐親調白玉弓
千騎紅袍齊扈蹕
臂鷹遙出建章宮

長安少年行

明 僧宗泐

鬪雞贏得海東青
臂向東街覓弟兄
白馬翩翩相逐去
灞陵原上曉雲平

御定佩文齋詠物詩選卷四百二十七

欽定四庫全書薈要卷一萬九千五十集部

御定佩文齋詠物詩選卷四百二十八

鵲類

五言古

畫鵲行

唐
杜甫

高堂見生鵲颯爽動秋骨初驚無拘攣何得立突兀乃
知畫師妙巧刮造化窟寫此神俊姿充君眼中物烏鵲
滿樛枝軒然恐其出側腦看青霄寧為衆禽沒長翮如

刀劍人寰可超越乾坤空崢嶸粉墨且蕭瑟緬思雲沙際自有煙霧質吾今意何傷顧步獨紆鬱

海州觀放鵲搏兔不中而飛去

宋
沈括

秋霜濯空林暮日在峯頂冥冥起長風稍稍絕遺影
鷗禽值猛搏俯取不待頃豈非求者乖矯翮成遠騁未能
謝榛莽那用遽悻悻此心竟可憐得失未宜病

五言排律

出籠鵲

唐
濮陽瓘

玉簇分花袖金鈴出綵籠
搖心長捧日逸翰鎮生風
一點青霄裏千聲碧落中
星眸隨狡兔霜爪落飛鴻
每念提攜力常懷搏擊功
以君能惠好不敢沒遙空

七言絕句

夢遊洛中

宋
蔡襄

草白霜晴鵲眼開
原頭遊騎四邊來
枯叢鴉鵲休驚噪
日暮分持走兔回

御定佩文齋詠物詩選卷四百二十八

欽定四庫全書薈要卷一萬九千五十一集部

御定佩文齋詠物詩選卷四百二十九

鵑鶚類

五言絕句

客夜偶成

元馬臻

男兒不得志壯心惜徂年長空起鵑鶚目送入寥天

榆林驛

明尹耕

天上白榆樹千秋紫塞陰隔林觀獵騎時有射鵑心

七言絕句

贈獵騎

唐杜牧

已落雙鵑血尚新
鳴鞭走馬又翻身
憑君莫射南來雁
恐有家書寄遠人

射鵑騎

唐馬戴

蕃面將軍著鼠裘
酣歌衝雪在邊州
獵過黑山猶走馬
寒鵑射落不回頭

落帆後賦

唐李羣玉

平湖茫茫春日落危檣獨暎沙洲泊山岸閒尋細草行
古查飛起黃金鷄

元宮詞

明
朱有燾

諸方物貢殿前排召得鷹坊近露臺清曉九關嚴虎豹
遼陽先進白鷗來

晚登沁州城有感

明
謝榛

蒼茫野色幾沙灘漳水東流倚堞看煙火滿城天向夕
一鷗飛過不知寒

書事

明
陸之裘

嚴寒朔漠草爭凋萬乘遙臨冰雪消天馬追風齊八駿
彤弓弦月落雙鵰

御定佩文齋詠物詩選卷四百二十九

欽定四庫全書薈要卷一萬九千五十二

集部

御定佩文齋詠物詩選卷四百三十

白翎雀類

雀一作鵲

七言古

附長短句

白翎雀

元

薩都拉

淒淒幽雀雙白翎飛飛只傍烏桓城平沙無樹巢弗營
雌雄為樂相和鳴君不見舊日輕盈舞紫燕鴛鴦鎖老
昭陽殿風暄芍藥春可憐露冷芙蓉秋莫怨

白翎鵲詞

元 楊維禎

白翎鵲西極來金為冠玉為衣百鳥見之不敢飛雄狐
猛虎愁神機先帝親手鐫重爾西方竒海東之青汝何
為下攫草間雉兔肥奈爾猛虎雄狐狸

其二

白翎雀來西極地從翼旋山目側邊風勁氣勁折膠材
官猛箭與之敵黃狼紫兔不餘力須臾白雪輕一舉千
仞直駕鵞灑血當空擲金頭玉頸高十尺千秋萬歲逢

玉食

白翎雀圖

明王禕

白翎雀雪作翎羣呼旅食啁哳鳴何人翻作絃上聲傳
與江南士女聽南人聽聲未識形畫師更與圖丹青圖
丹青一何似知爾之生何處是秋高口子草如雲風勁
腦兒沙似水

七言絕句

塞上曲

元納新

烏桓城下雨初晴
紫菊金蓮漫地生
最愛多情白翎雀
一雙飛近馬邊鳴

御定佩文齋詠物詩選卷四百三十

欽定四庫全書薈要卷一萬九千五十三

集部

御定佩文齋詠物詩選卷四百三十一

鳶類

五言古

射鳶

魏
劉楨

鳴鳶弄雙翼飄飄薄青天
我后橫怒起意氣凌神仙
發機如驚燄三發兩鳶連
流血灑牆屋飛毛從風旋
庶士同聲贊君射一何妍

七言古

飛鳶操

唐
劉禹錫

鳶飛杳杳青雲裏，鳶鳴蕭蕭風四起。
旗尾飄揚勢漸高，箭頭剡劃聲相似。
長空悠悠霽日懸，六翮不動凝風煙。
遊鷗翔雁出其下，慶雲清景相回旋。
忽聞飢鳥一噪聚，瞥下雲中爭腐鼠。
騰音礪吻相喧呼，仰天大嚇疑鵩雛。
畏人避犬投高處，俛吻無聲猶屢顧。
青鳥自愛玉山禾，仙禽徒貴華山露。
撲棘危巢向暮時，培塿飽煖蹲枯枝。

遊童挾彈一揮弣臆碎羽分人不悲天生衆禽各有類
威鳳文章在仁義鷹隼儀形螻蟻心雖能戾天何足貴
五言絕句

盤石磴

唐

韋處厚

繚繞綠雲上璘玢甃玉聯高高曾幾折極目瞰秋鳶

御定佩文齋詠物詩選卷四百三十一

欽定四庫全書薈要卷一萬九千五十四集部

御定佩文齋詠物詩選卷四百三十二

雉類

五言古

雉朝飛操

梁簡文帝

晨光照麥畿平野度春暈避鷹時聳角妬壘或斜飛少
年從遠役有恨意多違不如隨蕩子羅袂拂臣衣

雉朝飛操

梁吳均

二月雉朝飛橫行傍壘歸斜看水外翟側聽嶺南羣蹀
蹀恒欲戰耿耿恃強威當令君見賞何辭碎錦衣

雉子斑

陳江總

麥壘新秋來澤雉屢徘徊依花似協妬拂草乍驚媒三
春桃照李二月柳爭梅暫住如臯路當令巧笑開

射雉

陳蕭有

二月春輦動曹王挾妬媒插翳依花合芟塲向野開隔
田聞雉近橫谿見影來弦鳴青靨碎箭落錦衣摧今日

如臯路能將巧笑回

雉子斑

陳
張正見

陳倉雉未飛斂翮依芳甸
朱冠色尚淺錦臆毛初變
雉麥且專場排花聊勇戰
唯當渡弱水不怯如臯箭

射雉

唐
韋應物

走馬上東岡朝日照野田野
雙雉起翻射斗迴鞭雖
無百發中聊取一笑妍
羽分繡臆碎頭弛錦鞘
懸方將悅羈旅非關學
少年強弓一長嘯憶在
灞城阡

七言古 附長短句

白雉詩

漢班固

啟靈篇兮披瑞圖獲白雉兮效素烏嘉祥阜兮集皇都
發皓羽兮奮翹英容潔朗兮於純精彰皇德兮侔周成
永延長兮膺天慶

雉帶箭

唐韓愈

原頭火燒靜兀兀野雉畏鷹出復沒將軍欲以巧服人
盤馬彎弓惜不發地形漸窄觀者多雉驚弓滿勁箭加

衝人決起百餘尺紅翎白鏃相傾斜將軍仰笑軍吏賀
五色離披馬前墮

雉將雛

唐王建

雉吶喔雛出殼毛斑斑觜啄啄學飛未得一尺高還逐
母行旋母脚麥壟淺淺難蔽身遠去戀雛低怕人時時
土中鼓兩翅引雛食蟲不相離

雉塲歌

唐溫庭筠

芟葉萋萋接煙曙雞鳴埭上梨花露彩仗鏘鏘已合圍

繡翎白頸遙相妬，雕尾扇張金縷高。
碎鈴素拂驪駒豪，綠塲紅跡來相接。
箭發銅牙傷彩毛，麥壟桑陰小山晚。
六虬歸去凝笳遠，城頭却望幾含情。
青畝春蕪連古苑。

五言律

雉

唐李嶠

白雉振朝聲，飛來表太平。
楚郊疑鳳出，陳寶若雞鳴。
童子懷仁至，中郎作賦成。
冀君看飲啄，耿介獨含情。

五言排律

越裳獻白雉

唐
丁仙芝

聖哲符休運，伊夔列上台。
覃恩丹徼遠，入貢素輦來。
北闕欣初見，南枝顧未迴。
斂容殘雪淨，矯翼片雲開。
馴擾將無懼，翻飛幸莫猜。
甘從上林裏，飲啄且徘徊。

越裳獻白雉

唐
王若出品

素翟宛昭彰，遙遙自越裳。
冰清朝暎日，玉羽夜含霜。
歲月三年遠，山川九譯長。
來從碧海路，入見白雲鄉。
作瑞興周后，登歌美漢皇。
朝天資孝理，惠化且無疆。

五言絕句

上元日放二雉

唐司空圖

嬰網雖皆困，褰籠喜共歸。
無心期爾報，相見莫驚飛。

從獵

唐韓偓

蹀躞巴陵駿，毘瑤碧野雞。
忽聞仙樂動，賜酒玉偏提。

七言絕句

又和留山雞

唐薛能

五色文勝百鳥王，相思兼絕寄芸香。
由來不是池中物。

雞樹歸時即取將

雜題

元王逢

藻池岸匝水仙開滿面香飄玉蝶梅遺事罷書山館寂
鼠狼行過雉雞來

送李節度赴鎮

明

金宗直

朝鮮人

鼇背樓臺一俯憑海波萬里碧千層太平未試龍韜策
射雉還過竹院僧

御定佩文齋詠物詩選卷四百三十二

欽定四庫全書薈要卷一萬九千五十五

集部

御定佩文齋詠物詩選卷四百三十三

鷓鴣類

七言古

放鷓鴣詞

唐
柳宗元

楚越有鳥甘且腴
嘲嘲自名為鷓鴣
徇媒得食不復慮
機械潛發罹罟羽
毛摧折觸籠藥
煙火煽赫驚庖厨
鼎前芍藥調五味
膳夫攘腕左右視
齊王不忍殺棘牛

簡子亦放邯鄲鵠二子得意猶念此况我萬里為孤囚
破籠展翅當遠去同類相呼莫相顧

七言律

鷓鴣

唐鄭谷

暖戲煙蕪錦翼齊品流應得近山雞雨昏青草湖邊過
花落黃陵廟裏啼游子乍聞征袖濕佳人纔唱翠眉低
相呼相喚湘江闊苦竹叢深春日西

侯家鷓鴣

鄭谷

江天梅雨濕江蘼此處煙香是此時苦竹頻無歸去日
海棠花落舊棲枝春宵思極蘭燈暗曉月啼多錦幕垂
惟有佳人憶南國殷勤為爾唱愁詞

鷓鴣

唐
韋 莊

南禽無侶似相依錦翅雙雙傍馬飛孤竹廟前啼暮雨
汨羅祠畔弔殘暉秦人只解歌為曲越女空能畫作衣
懊惱澤家鷓鴣知有恨年年長憶鳳城歸

鷓鴣

唐
徐 夔

繡僕梅兼羽翼全楚雞非瑞莫爭先啼歸明月落邊樹
飛入百花深處煙避燒幾曾遺遠岫引雛時見飲晴川
荔枝初熟無人際啄破紅苞墜野田

五言絕句

江行雜詩

唐錢起

行到楚江岸蒼茫人正迷祇如秦塞遠格磔鷓鴣啼

聽山鷓鴣

唐顧況

誰家無春酒何處無春鳥夜宿桃花邨踏歌接天曉

鷓鴣詞

唐

李益

湘江斑竹枝，錦翅鷓鴣飛。
處處湘雲合，郎從何處歸。

松滋渡

唐

司空圖

楚岫積鄉思，茫茫歸路迷。
更堪斑竹驛，初聽鷓鴣啼。

長沙雜詩

明

楊基

花深衆禽寂，格格啼山鷓。
曉響一燈來，人歸碧湘夜。

六言絕句

竹枝詞

明

劉溥

江心泚泚秋影煙外亭亭綠痕帝子祠前別思鷓鴣聲裏黃昏

七言絕句

踏歌詞

唐
劉禹錫

春江月出大堤平堤上女郎連袂行唱盡新詞歡不見
紅霞映樹鷓鴣鳴

玉仙館

唐
張籍

長溪新雨色如泥野水陰雲盡向西楚客天南行漸遠

山山樹裏鷓鴣啼

日晚歸山詞

唐
施肩吾

虎跡新逢雨後泥
無人家處洞邊谿
獨行歸客晚山裏
賴有鷓鴣臨路啼

聽吹鷓鴣

唐
許渾

金谷歌傳第一流
鷓鴣清怨碧雲愁
夜來省得曾聞處
萬里月明湘水秋

放鷓鴣

唐
羅鄴

好倚青山與碧鷄刺桐毛竹待雙棲花時遷客傷離別
莫向相思樹上啼

放鷓鴣

唐
崔塗

秋入池塘風雨微曉開籠檻看初飛滿身金翠畫不得
無限煙波何處歸

會友不至

唐
成彥雄

王孫還是負佳期玉馬追游日漸西獨上郊原人不見
鷓鴣飛過落花谿

題嘉陵驛

唐張蠙

嘉陵路險石和泥，行到長亭日已西。
獨倚闌干正惆悵，海棠花裏鷓鴣啼。

初入湖南醴陵界

宋范成大

崖柳陰陰夾暝途，出山歡喜見平蕪。
一春客夢飽風雨，行盡江南聞鷓鴣。

閩浙之交

元馬祖常

閩嶠人居罨畫圖，客行只欲望京都。
筍輿軋軋相思嶺，

秋雨空濛叫鷓鴣

廻衡山縣望南岳呈御史完顏正夫修撰龐或

簡

元陳孚

廻雁峰前一棹孤平波如鏡漫菰蒲楚天日落碧雲合
山北山南聞鷓鴣

過三合驛

元范梈

一春歸計又蹉跎百粵風光奈病何縱有青山千萬疊
行人長少鷓鴣多

畫竹石

元 楊載

林前怪石起參差
篁竹叢深使客疑
如過瀟湘江上路
鷓鴣啼罷日西時

鎮江寄王本中臺掾

元 薩都拉

梅花落盡空吹笛
正月半頭思遠人
兩岸好山青不斷
一江微雨鷓鴣春

和經歷楊子承曉發山館

薩都拉

夢回山館月西斜
曙色千峰動紫霞
杜宇一聲山竹裂

鷓鴣飛上野棠花

黃亭驛曉起

薩都拉

積雨莓苔上壁青
曉寒山館夢初醒
鷓鴣聲裏流年度
自是行人不忍聽

送王奏差調福州

元台哈布哈

春水溶溶滿鑑湖
蘭舟長護錦屠蘇
可憐走馬閩山路
榕葉陰中聽鷓鴣

山鷓鴣

明劉基

黃茅壠上雨和泥
苦竹岡頭日色低
自是行人行不得
莫教空恨鷓鴣啼

秋江晚渡圖

明高啟

鷓鴣飛盡一洲蘋
帆帶秋雲渡遠津
氏事顰看畫中景
昨朝曾送渡江人

題陳大宅方壺子層層雲樹圖

明周玄

昔年曾記秦川客
雲樹參差去欲迷
日暮孤舟行不得

鷓鴣啼過渭城西

瀟湘雨意圖

明熊直

萬木叢深日未晡
寒江煙雨翠模糊
東風無限瀟湘意
却倚蓬窗聽鷓鴣

歇馬大徑山

明陳憲章

數家煙火隔林塘
一樹寒花晚自香
黃葉坡頭聊歇馬
鷓鴣聲裏見斜陽

題許子厚扇

明史鑑

好山多在石湖西
艸色新年綠未齊
亭子半開修竹裏
一簾春雨鷓鴣啼

蕭臯別業竹枝詞

明沈明臣

田小三郎唱得工
七姊妹花開欲紅
林靜三更鷓鴣月
谿腥一陣鷓鴣風

語兒谿

沈明臣

春風來過語兒谿
野雉低飛麥浪齊
一片桑麻天氣綠
養蠶時節鷓鴣啼

山門

明
孫承恩

山門落日望江干
雲樹微茫晚色寒
欲向東風歌一曲
鷓鴣聲裏豆花殘

御定佩文齋詠物詩選卷四百三十三